



LIPOTI MO LE FONO AOAQ FAITULAFONO

**“Tulafono Tau Faaofi o Teuteuga o le Tulafono o
Faasalaulauga 2015”**

**Komiti o Oloa Gaosia Tulaga Muamua, Mataupu Tau Pisinisi,
Alamanuia ma Leipa**

(Tuuina atu i le Fono Aoaq Faitulafono)

1. FAUTUAGA:-

E fautuaina e le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa ia le Fono Aoao Faitulafono ina ia faautagia lana Lipoti.

2. TULAFONO TAU FAAOFI NA ILOILOINA:-

(Tuuina atu 30/06/2015)

Tulafono Tau Faaofi o Teuteuga o le Tulafono o Faasalalauga 2015.

Na iloiloina e le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa ¹ le Tulafono Tau Faaofi o Teuteuga o le Tulafono o Faasalalauga 2015 ('TTF') e tusa ai ma le Faatonuga na tuuina mai e le Fono Aoao Faitulafono i le aso 30 o Iuni 2015.

3. TAUALUMAGA:-

Na valaauina e le Komiti le mamalu o le atunuu e ala i se faasalalauga faalauaitetele i luga o le Televisi (S.Q.B. TV 1), o le leitio faasalalau a le Faalapotopotoga o Faasalalauga (2AP) ma le upega tafailagi a le Ofisa o le Fono, mo ni finagalo faaalua po o ni finagalo tusitusia e faatatau i lenei TTF. I tualumaga o Iloiloga a le Komiti sa fofogaina ai molimau tuufofoga faatasi ma molimau tusitusia sa mafai ona tuuina mai i luma o le Komiti. ²

Na tapā e le Komiti le fesoasoani a i latou nei a o faagasolo ana iloiloga.

FESOASOANI (T. T. 156)

Ofisa o le Loia Sili:

Loretta Teueli	-	Loia Sili Lagolago
Leitu Moananu	-	Loia Tusi Tulafono Sinia
Kylie Wilson	-	Loia Ofisa

¹ E tusa ai ma aiaiga o le **Tulafono Tumau 174** o le a avea ma tiute o le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa le:-

- (a). Iloiloina o so o se tulafono tau faaofi, talosaga po o so o se isi mataupu ua tuuina atu e le Fono Aoao po o e tusa ai ma Tulafono Tumau; ma Tala Faatatau o Tupe po o le toe iloiloina o le faatinoina o galuega a matagaluega e pei ona tuuina atu i ai e le Komiti o Tupe Maua ma Tupe Totogi;
- (b). Suesueina o faiga faavae, pulega ma tupe alu a matagaluega ma faalapotopotoga a le malo po o nisi faalapotopotoga e fesootai oloa gaosia tulaga muamua, mataupu tau pisinisi, alamanuia, leipa ma tagata tafafao maimoa.

² Silasila i le Vaega 7 - Molimau.

Ofisa o le Pule Faatonu:

Unutoa Auelua Fonoti - Pule Faatonu
Cecily Faasau - Pule Faataonu Lagolago

Matagaluega o Fesootaiga ma Faamatalaga Tekonolosi:

Tuaimalo Asamu Ah Sam - Ofisa Sili o Pulega

Pulega o le Malae Vaalele:

Tagaloasa Uili Matafeo - Pule Sili Lagolago

Faalapotopotoga o Malosiaga Faaletise:

Taua Latu Tumama - Tagata Asiasi (*Inspector*)

4. AOTELEGA O SAILIILIGA:-

O lenei TTF ua faamoemoe e teuteuina le Tulafono o Faasalalauga 2010 ('Tulafono Autu') mo le faaleleia atili o le auaunaga tau faasalalauga i lona faatinoga, mataituina ma le faafoeina. Faamauiina e le Komiti o sini ma faamoemoega o teuteuga ua faatulai mai mo le Tulafono Autu e aofia ai le:

- Faamaninoina o tulaga lautele o auaunaga i e agavaa e avea ma auaunaga tau faasalalauga (na i lo auaunaga tau fesootaiga i lona tulaga lautele);
- Aveeseina o uluai faasinomaga na faia e le o talafeagai i le vaega tau faasalalauga;
- Aveeseina o le Vaega III o le Tulafono Autu lea o lo o faavaeina ai se Komisi Faamasino o Faasalalauga ma suia i le Komisi Faamasino o lo o i lalo o le Tulafono o Fesootaiga 2005 ('Tulafono o Fesootaiga');
- Faalauteleina o sini autu i lalo o le Tulafono Autu; ma
- Faamaninoina le tuufaatasiga o matafaioi a le Pule Faatonu i lalo o le Tulafono o Fesootaiga faapea ma le Tulafono Autu.

I le aotelega o finagalo sa tuuina mai, na matauina ai e le Komiti le mafuli o manatu faaalua i le lagolagoina o teuteuga ua faatulai mai e le TTF. O le mafuaga autu lava ina ia mafai ona maioio ma manino aiaiga uma e limataitaia ma mataituina ai le auaunaga tau faasalalauga mai le auaunaga o fesootaiga. O le eseeseaga autu lava o nei auaunaga e pei foi ona faailoaina e nisi o molimau, o le tulaga i tupe mama po o polofiti, o alagatupe aemaise le tēle o le maketi mo faiga faatauvaga. I le auaunaga tau faasalalauga lava ia lea e aofia ai televise ma leitio, e le o mafai ona agavaa le maketi i nisi o aiaiga o le Tulafono Autu e pei ona agai iai teuteuga o le TTF, peitai o lo o talafeagai lava mo le maketi o auaunaga tau

fesootaiga. E le gata i lea, ae o le auaunaga tau faasalalauga lava ia o lo o faatino i se tulaga faia fua e aunoa ma se tupe e totogiina mo le tuuina atu o faasalalauga i maota ma laoa o le atunuu. E pau le alagatupe o lo o mafai ona fesoasoani i faalapotopotoga, ekalesia ma tagata o lo o faatinoina lea auaunaga o le tulaga i faasalalauga ma faalauiloa faapisinisi o lo o mafai ona tuuina atu mo le faasalalauina, ma e le faatusalia i le tulaga o lo o iai le auaunaga tau fesootaiga.

O le tasi o teuteuga autu o lo o faatulai mai e lenei TTF o le soloia ai lea o le Vaega III o le Tulafono Autu lea o lo o faavaeina ai se Komisi Faamasino o Faasalalauga ma suia i le Komisi Faamasino o lo o i lalo o le Tulafono o Fesootaiga. Faailoa e le Pule Faatonu o le naunautaga lava ina ia tasi le Komisi Faamasino e faaogaina aua o le faamoemoe lava e tasi e pei foi ona iai i le Tulafono Autu. O le faatinoina la o lea tulaga a iai ni mataupu tau fesootaiga o le a iloiloina e lenei Komisi ona filifili lea e le Faamasinoga o i latou e agavaa i lea matata e tauaveina ia mataupu ma e faapea foi i ni mataupu e aafia ai le auaunaga tau faasalalauga. Na laga foi e nisi o molimau le tulaga i le toe iloiloina lea o le aiaiga i le \$100,000 mo Talosaga tetee e tuuina atu i le Komisi Faamasino e uiga i poloaiga a le Pule Faatonu i lalo o le Tulafono o Fesootaiga ona o lea o le a aafia ai ma auaunaga tau faasalalauga i lalo o le Komisi Faamasino o Fesootaiga. Faamauina e le Komiti e le o iai sea aiaiga i lalo o le Tulafono Autu e pei ona aiaia ai i le fuaiupu 10 ona e manatu e afua mai i le eseese o auaunaga e pei ona faailoaina muamua i le tulaga o le maketi, tupe mama ma alagatupe. Faailoa foi e fesoasoani sa tuuina mai o le mafuaaga autu lava o lea aiaiga i totonu o le Tulafono o Fesootaiga ina ia mafai ona totogiina ai le auaunaga o lo o faatinoina e le Komisi Faamasino i ana galuega ona e tēle se tupe e faaluina ai e pei ona faamauina i tausaga ua mavae. E le gata i lea, ae o le tulaga i le avea ma auala e tuuitia (discourage) ai le faatinoina o faamasinoga.

Sa faaalua foi nisi o atugaluga sa tuuina mai i luma o le Komiti e faatatau i le tulaga o le tasi o le Pule Faatonu e tauaveina galuega tauave ma matafaioi mo le mataituina o auaunaga tau fesootaiga ma auaunaga tau faasalalauga. E manatu nisi o finagalo e ao ona eseese Pule Faatonu mo ia auauanga e lua ona e le tutusa ia auauanga ma e fai foi si tēle o ia vaega po o auaunaga (sector) mo le mataituina e se tagata e toatasi. O le isi manatu faaalua e uiga lava i lenei mataupu, o le soloia lea o aiaiga mo le faavaeina ai o le tofiga o le Pule Faatonu o lo o i totonu o le Tulafono Autu ona o lo o iai foi ia aiaiga i le Tulafono o Fesootaiga. Sa talanoaina ma soalaupule e le Komiti ia atugaluga uma ma faamauina ai e ao lava ona iai ia aiaiga i totonu o le Tulafono Autu e ese mai ai i le Tulafono o Fesootaiga ina ia avanoa ai le faavaeina o sea Tofiga i luga o se manaoga i le lumanai, peitai i le taimi nei, o lo o faamauina le gafatia e le Pule Faatonu o iai nei ona mataituina ia auaunaga e fua i le tēle o le maketi o iai i

totonu o le atunuu i le taimi nei. O lea e faamauina ai pea le talafeagai o teuteuga ua tuuina mai mo lea vaega.

I le faagasologa o iloiloga a le Komiti na faailoaina ai foi e nisi o molimau sa tuuina mai nisi o faafitauli o le auaunaga tau faasalalauga o lo o feagai ai e pei o le aafia ai o auaunaga tau faasalalauga i fesootaiga a le malae vaalele faapea ma le tulaga o le faaolaina o pou faasalalau i le mita totogi muamua (cash-power). Sa faatalanoaina e le Komiti i Ofisa ma Pulega o lo o fitoitonu iai ia mataupu ma fautuaina ai ina ia silasila i se fofo talafeagai mo ia mataupu uma ina ia mautinoa le sologa lelei ma le agai i luma o auaunaga taitasi aemaise le tuuina atu o le auaunaga manaomia ma lelei mo le mamalu o le atunuu. E talitonu le Komiti e leai se faafitauli e le mafai ona foia pe a le galulue faatasi.

I iloiloga a le Komiti i luga o lenei TTF sa faamauina ai nisi o faasaoga mo na o le gagana Samoa ina ia faamanino ma faafaigofie ai le gagana e faamatalaina ai aiaiga ua tuuina mai.

5. ILOILOGA AUILILI O LE TULAFONO TAU FAAOFI:-

I le Iloiloina Auiliili o lenei TTF i ona Fuaiupu taitasi, ua faamalieina le Komiti o loo talafeagai aiaiga uma ua faatulaga mai seia vagana ai Faasaoga ua fautuaina i Fuaiupu ua taua i lalo mo na o le Gagana Samoa.

FAASAOGA:

(Mo na o le gagana Samoa)

1. Fuaiupu 2

- (i) la soloia le upu **“meafaigaluega”** o lo o aliae mai ina ua tuanai upu **“o lo o i ai ni”** a o lumanai le upu **“talafeagai”** ma suia i le upu **“masini”**;
- (ii) la soloia upu **“o lo o”** o lo o aliae mai ina ua tuanai upu **“po o”** a o lumanai upu **“faaooina atu”**; ma
- (iii) la soloia upu **“alavalava tioata o peau-ea”** o lo o aliae mai ina ua tuanai upu **“uaea malosi,”** a o lumanai upu **“mo le malamalama,”** ma suia i le upu **“uaea”** ina ia faitauina ai e faapea:

““aunaga tau faasalalauga” o lona uiga o se auaunaga lea o lo o faaooina atu ai polokalame tau televise po o polokalame tau leitio i se tagata o lo o i ai ni masini talafeagai e mauaina ai lea auaunaga, tusa lava po o faaooina atu e faaogaina ai fusi o alaleo o peau-ea o le leitio, uaea malosi, uaea mo le malamalama, satelite po o so o se isi lava faiga o le tuufaatasiga o ia auala ua taua, ae peitai, e le aofia ai mea nei:”

2. Fuaiupu 3

Fuaiupu 3 (p)

la soloia upu “eseesega faaleaganuu;” o lo o aliae mai ina ua tuanai upu “ma faataua” a o lumanai le upu “ma” ma suia i upu “vaega eseese o le aganuu;” ina ia faitauina ai e faapea:

“(p) ia uunaia ma faataua vaega eseese o le aganuu; ma”

6. IUGAFONO:-

I le maea ai o iloiloga a le Komiti na faaiugafonoina ai e fautuaina le Fono Aoao, Ina ia faagasolo le Tulafono Tau Faaofi o Teuteuga o le Tulafono o Faasalalauga 2015 faatasi ma Faasaoga.

7. MOLIMAU:-

I le faagasolo ai o iloiloga a le Komiti i luga o lenei TTF sa fofogaina ai molimau tuufofoga faatasi ai ma molimau tusitusia a i latou nei:

7.1 Molimau Tuufofoga

Kamupani Telefoni a le Digicel

Pepe Christian Fruen

Jaynen Mangel

Leaupepe Talai Lene

- Taitaifono

- Faufautua faaletulafono

- Auaunaga Lautele

Kamupani Telefoni o le Bluesky

Alani Faiiai

- Faatonu - Vaega o Tekonolosi

SQB TV1

Galumalemana Faiese LS Matafeo

- Pule Sili

Kingdom TV / Uaga o faamanuiaga

Pastor Afereti Lui

- Pule Sili

Leitio Polenisia (Radio Polynesia)

Maposua Corey Keil

- Pule Sili

7.2 Molimau Tusitusia

Kamupani Telefoni a le Digicel

Pepe Christian Fruen

Jaynen Mangel

Leaupepe Talai Lene

- Taitaifono
- Faufautua faaletulafono
- Auaunaga Lautele

8. SAINIA E LE KOMITI.

Afioga Hon LEAUPEPE Toleafoa Apulu Faafisi.
TAITAFONO.

Afioga MAUALAIVAO Pat Ah Him
SUI TAITAFONO

Afioga AFUALO Wood Uti Salele
SUI USUFONO

Afioga TIALAVEA Fea Tionisio Seigafo
SUI USUFONO.

Afioga Hon AEAU Peniamina Leavaiseeta
SUI USUFONO.

Tofa FAIMALOTOA Kika Stowers
SUI USUFONO.

Tofa AVEAU Tuala Lepale Niko Palamo
SUI USUFONO.